

族譜序

程伊川先生曰管攝天下人心收宗族厚風俗湏是明譜系信哉言乎夫譜系不明則人不知所自來不知所自來則不知尊祖而收族甚至於至親而塗人者矣骨肉而仇敵者矣其能繫之姓綴之序俾百世而宗屬不亂人倫賴厚者徵譜曷徵嗚呼遠矣自一人而十百以至於千萬由一人視千萬則皆一體也由千萬溯一人則譬之若木有千條而其根則一水流萬派而其源則一其派別枝分遠近親疎莫不了然可緒而歸統於一人觀此而孝悌之心得不油然而生乎哉惟我先祖靖僖公以靖陵別子承麟趾之化毓螭斯之慶內外曾玄槐鳥三百六十餘人之多福履之盛冠于宗英而豐山之謹慎龜川之忠節蓬萊之父行世濟其美屬親纔疎由文譜而進南谷公之直諫駱溪公之斤邪文泉公之清雅觀察公之才猷爲世所推實我家之箕裘發軔於靖僖公之積累而先王之深仁厚澤其亦流及於百世者也於不休哉於不休哉噫璿派之繁衍而代遠者幾皆有譜而吾宗則只有族高祖

都正公所編油然錄一冊殆近百年未成全書此余所以積歲
費工編修此譜者也蓋譜之爲例凡可以書紀者靡不書詳其
所知也其或未書顧其所未知也而首載碑誌表先德也豫定
行列親後屬也編緝既成久未入梓者力不逮也及夫黃蛇之
春門長同樞公托余以削劂故不揆尾大難掉之慮旋始印役
屬序於從兄敏齋公書未成而同樞公及敏齋公相繼捐世三
霜已閱不覺愴涕之自零而弁卷之文顧不可顧忘其固陋畧
敘顛末嗣後諸宗人式能繩祖武闡家風將因舊而增修之
昭茲來許是余之望業亦勉之也夫歲在我聖祖開國之凡
壬申上元日後孫東直謹識

序

昔者蘇氏創始修譜之義蓋安在哉上而明祖先之一源中而辨宗族之分派下而記子姓之同流繼此以往則雖千百載之後明若指掌也豈不美哉依此法往在乙未一源之義僉議攸同乃修譜牒伊時主謀者私失利己之心不合規矩根銀魚魯間或有之至於體先之事難免有忝則將何以傳之於後世耶秉彝之心與義相孚義之所在曷有其極昭穆之明白族誼之親密莫如我宗族故於是更修譜牒而正訛補缺上不失先祖之本意下不爲子孫之累德其不爲勝事耶其主義專在尊祖而敬宗也若無尊敬之義則修譜者將何爲歟正其本始自有榦枝之正脉清其源頭乃見派流之清澈推其本源孝悌之心油然以生也蓋世譜不啻一家寶乃世道之大關也覽斯譜而興感永慕則是其爲修譜之本意也歟忘拙謹序如右

歲丁酉重陽 曰 靖僖公十二代孫 承元 謹識

一本而萬殊天地之道也萬殊原於一本一本散於萬殊知其理者之於譜學何有哉由身而上則有父而又節次上推之則有鼻祖由身而下則有子而又節次下順之則有雲孫由身而傍則有兄弟而又節次延及則有袒免親自此以往上有幾十代祖先下有幾千人子孫然則何以使千百人各知同出一祖之誼咸仰元元本本之恩共保化化生生之氣哉欲其尊祖先收宗族莫若孝敬敦睦是已欲其序昭穆明派流莫若修譜牒是已吾宗自靖陵別子靖僖公以來至今十餘世之間族支

繁衍麗實不億文蔭武逸及德明行修揚名當時垂法後世者代不乏人悉籍祖先之深仁厚德之所及豈不休哉豈不休哉吾宗譜牒之作在純祖壬申而始編再至高宗庚子則承朝令而修璿源續譜矣嗚呼自此以後世事多變時運不幸南夷渝盟剝奪國祚西鬼蠱惑喪亡人心孔慘之禍無深不入流毒之害無幽不通雖修譜奚可暇及哉今則世紀已過生齒日繁視庚子幾至倍蓰修譜之事實不可已木川族人容圭艱辛成編略于頒帙是所謂乙未譜也勘期日淺分派之單未能畢收印役太急昭穆之序間有錯亂且卷帙不充縱有奉覽之心者未得一冊又有價錢之償者不給半部是豈孝敬敦睦親親之誼哉僉議會同沸騰不可無更刊云增其舊制正其謬誤而印出者即丁酉譜也于此譜也宗議以余俾主是役余固辭不得不擇尾大難掉之慮而猥負其任夙夜洞屬者不尠矣幸賴收單掌財校正諸有司氏之誠心視役閱幾月而功告竣及登鋟梓僉以爲有族則有譜有譜則有序依前例也云而要余爲序故記其顛尾而弁于卷首敢以向所謂孝敬敦睦申之孝敬敦睦之道不待求之於外而有觀法易取規近者即卷中所著豐山君之謹慎龜川君之忠節蓬萊君之文行智谷公之守法南谷公之直諫駱溪公之斥邪文泉公之清雅南溪公之才猷直齊公之衛師市隱公之扶國等懿德善行昭載國史明著野乘爲吾宗族者深體力行則隨處皆通無往不適庶不違經學發身之根抵奢侈喪心之斧斤龜川先祖之遺訓矣譜之爲編上自祖先下列子孫則自不無屬之遠近

序之高下矣不以派流枝分之不同視之惟以一源共根之所同視之而奉覽此譜則知其蘇氏所謂孝悌之心油然而出者之語不誣也云爾

丁酉十月五日 靖僖公十三代孫 邦林 謹序

國有史家有譜其義一也而家親而國遠則譜之義尤切况我璿派之譜上焉國而下焉家則其義實廉二者而視他譜爲重且大焉修之尤不可以不謹也惟我德陽君派譜始修於 純祖壬申而中間續修者累矣顧今族益繁而世益下族繁則派系不可以不別也世下則倫類不可以不明也譜之修可以緩乎往在乙未宗議竣發合京鄉之族而葺單成編閱歲餘工既訖矣而有姦人憑私逞計下上其手遂至不承權輿而狼貞繼之則宗議齊憤以爲此譜既不可準則不可以不再刊於是合謀設役屬不佞幹其事不佞乃與再從叔承烈辛勤殫誠整其訛舛收其闕漏克成是編夫一譜而至於前後再刊誠吾譜之不幸而謹修之義亦有不得已也但不佞亦嘗與聞於前譜則償事之責終有不敢逃者而今茲之役實出於補其前過則或得免僭越之罪否惟識淺智蔑亦恐不能無謬舛之失則是所兢兢耳昔壬申之修譜也我本生五代祖廉齋公實主其事而今不肖重幹是役俯仰今昔益不禁撫卷而愴涕也遂略叙顛末于卷首

丁酉季秋 靖僖公十三代孫 陽林 謹識

譜之爲道大矣上而明祖先之統緒下而辨子姓之昭穆孝弟之心由是而生敦睦

之風由是而興渙散者由是而合踈遠者由是而親其有關於人道者爲何如哉苟無與於是而徒循俗備例以爲一家之掌故而已則亦何足貴哉吾德陽君派之譜之不修已數十年矣至今不可以無修京鄉之族竣發公議頃歲乙未設役敦事辛勤閱歲始克成編而竟被主事一人假公逞私賣族肥已事已就而潰裂族已合而渙散則是有譜而若無譜也於是宗議憤之更謀再刊族兄陽林氏幹其事而責普林以弁文普林於乙未之役猥相其事而已有弁文矣卒爲姦計所賣未免儻事之歸繼而抱病窮山不能更相於再刊之役俯仰慙愧將何以爲說哉惟願吾宗由是而懲前戒後益興孝弟敦睦之風而不復至潰裂渙散則前車之覆亦將爲後車之鑑是豈非吾宗之幸耶敢以是爲言

丁酉重陽節 靖僖公十三代孫 普林 謹識

校	正	陽	林	陰城郡甘谷面文村里
收	單	承	樂	陰城郡甘谷面文村里
掌	財	承	烈	坡州郡衙洞面陌今里
都	有	司	邦	楊州郡廣積面石隅里
門	長	周	京	漢城市西大門區峴底洞
宗	孫	鍾	泰	廣州郡樂生面宮內里

族譜改修顛末

譜者所以尊祖收族而興孝悌敦睦之道者也非徒爲列世系叙昭穆而已也故譜雖修而有違於孝悌敦睦之義而反生乖張拂戾之端則不如無修而不可以不改者也往年吾宗有修譜之議而屬容圭幹其事遠近諸宗合力輸誠閱幾箇月功役既成則可謂吾宗之幸而噫彼容圭者乃反有始無終營私滅公鑽穴偷隙詐僞百出以闔宗共修之大役認作一己自私之計終至於乖張拂戾而有不如無修之歎是何其不幸也雖然往者不可諫而譜不可終於不修則豈可因一容圭之故而遂沮我一宗之大議於是合謀改修之蓋出於不得已也嗚乎如容圭者其得罪於祖先宗族爲何如則當黜之宗譜不與同昭穆之列而吾宗亦當深懲於是益修其孝悌敦睦之道哉

王子靖僖公派譜卷之上甲編

一世 二世 三世 四世 五世 六世 七世 八世 九世

王子德陽君

子豐山君

子龜城君

岐宗麟

瞻

無嗣

中宗大王第五男中宗戊戌九月八日生
淑媛慶州李氏

出爲淑儀金氏養

庚戌初授正發丑以順懷

宣祖乙亥六月七日卒壽四十六

以壬辰從世子勞贈君

贈吏曹參判父

監役克寬生父

吏曹判書克禮

子縣監誅子典

筆訖子逸佐尹

認女文領相青

松沈之源

成氏

父判書世章祖

監察希亦曾祖

佐郎玩外祖別

提安東金澤

癸丑生

庚寅卒墓靖僖

清州人

南陽人

同樞子九齡

子彭齡子百齡

子萬齡女武經

歷驪興李斗龜

女洪翁溟

女韓彬

女房大生

從孫武書

配坡平縣夫人尹

氏無育

墓在左別岡公

無嗣以外孫權

說承祀

南陽人

同樞子九齡

子彭齡子百齡

子萬齡女武經

歷驪興李斗龜

中宗甲申九月二日生
王申受封爵十五日生
辛巳六月二十日卒壽五十
二日卒壽五十八
英宗癸酉議諡靖僖
僖寬樂令終曰靖小心恭慎曰
正宗戊申五月玄孫莊靖公至五
世孫良靖公箕
翊同日延謚于八世孫東直家
吏曹郎成德兩來宣
配永嘉郡夫人權
氏父戶曹判書
贈左贊成績
衛都摠府都摠
說承祀
南陽人

跋文

吾族之譜始於純祖壬申再於高宗庚子壬申譜曾有序跋之文首明爲譜之由次陳先世之德前述已備無庸更贅而本支百世派流萬分來許之無窮非一時既成之譜所可盡者故必世而繼修也自昔庚子至于今幾六十年矣世以三十年爲準則昭穆之序再矣宗族之繁已衆則譜不可爲不修故往在乙未宗議齊發合單設役已克成編可謂吾宗之幸也不幸爲主事者之姦計所賣譜不得均頒而乖戾層生已合之族竟至渙散宗議齊憤曰是則有譜而不如無譜也於是更謀設刊此所謂丁酉譜之再修者也嗚呼周道茂草世事滄桑乖亂反覆遂至國土兩分南北不通在北派單已無可論雖以在南者言之三年兵燹之餘守故土居古廬者無幾而分散各地者居多安得一一周知哉况復世教日非異言日滋貿貿焉入於禽獸鬼魅之域而不知尊祖敦族之爲何等事則以譜系視若弁髦而不爲修單者亦或有之矣良可歎也程子曰管攝天下人心收宗族厚風俗須是明譜系蘇老泉有言觀吾譜者孝悌之心油然而出然則非徒有關於一家亦足有補於風化而今焉燕書而郢說雖萬費唇舌有何益哉然而陽無盡絕之理則更安知此譜之不爲不食之碩果而後之人觀此而知程子蘇氏之說之不誣也耶噫

丁酉十月日靖僖公十二代孫承樂謹跋

我完山氏發源甚遠蕃條衍流幾滿國中譜不勝書然遠易忘繁難該譜又不可不

謹也古之收族之法姓以統其系氏以別其族分類而使從之今之所謂派譜即世本之遺也上歲乙未譜我德陽君以下十數世亦專于一派也伊時主幹者族人容主營私滅公愚弄宗親乃至譜不得均頒而且錯亂漏譜者亦有之矣宗議以是嫌焉不得不改刊增本以廣其傳也嗚呼眉蘇之譜止於高祖而曰云云者以其宗近系明也今吾之譜語其派分則十許世論其源流則羅麗于今也排行而講其親推本而明其先視諸蘇譜亦已多矣然譜所以合也而是乃分之何以哉簡以御繁親以及疎離之則萬合之則一是道也廣於天下矣豈曰小譜云爾乎今日同吾譜者各修孝悌胥無作斯譜羞則澄然一派異日歸于大同樂昇平之運恢我完山氏之未必由於此也敢不互易至若緣起則上述已備茲不必贅云

丁酉九月 日 靖僖公十二代孫 承煥 謹跋

夫譜所以明系統序昭穆而尊祖收族之義也故必世而後修譜世以三十年爲律故凡修譜者每於三十年間或先或後焉惟吾乙未譜自庚子後五十六年始克修成譜事之修若是其難矣而厥後間一年又克修譜者何也往在乙未修譜之時木川族人容圭猥幹諸務而幻作姦謀營私賣族竟至譜不得均頒而合單已收之族三分五裂莫可收拾則儘是有始無終也嗚呼向所謂尊祖收族之義更安在哉此丁酉再刊譜之不得已也噫我先祖靖僖公以 靖陵別子代僅十數子姓之繁殆將數千其間名卿忠節儒賢宿德世不乏絕乃呈麟趾騶虞之瑞於王庭之上而下

蓋斯之處於無窮之地若此者皆積德累仁之所致也凡我宗族之入是譜者以容圭作前車之鑑而尤各勉勵修德行義尊祖睦族而垂戒子孫豈不美哉譜既成屬余爲跋余不敢辭書其顛末如是云爾

丁酉秋九月 日 後孫 厚林 謹識

譜之爲義其大矣平會祖宗收宗族此其綱領也明昭穆叙宗支正名分嚴統繙之分合謹嗣續之出入此其條目也可不重歟庚子後吾宗無譜曩歲乙未諸宗欲續修譜書而宗人容圭壇主其事手分現化極其郎當是豈可以繼前譜而傳後裔哉肆我諸宗慨然發歎相與商確乃以上年二月始改修之役相與戒曰修譜大政也慎勿行亂倫違法事以爲祖宗累於是又有司各執其役大經大法悉遵舊章今年九月工告訖功諸宗屢徵蕪語而辭不獲免則有一言晉邑者內陽外陰尊華攘夷實今日吾人徒之夢覺人鬼關也凡我同此譜者誠能以這箇義諦自警而勉人挺身立脚一刀兩段無一毫依違而有以打過此而關然後斯可以得光先紹後愛族之道而不失修譜之義矣嗟我一宗盍相勉旃是役也邦林氏嘗戶之承樂氏承烈氏陽林氏終始有勤勞不渝之功也但代數既遠派分漸葛螽羽振振麟趾蕃衍故遵用庚子譜之舊例去煩就約然其在正網領明條目堂堂大義同軌于壬申譜足以同光而返照爲後世修譜之寶鑑焉

丁酉九月 日 靖僖公十四代孫 雲燮 敬跋